

Broj nabavke: 702/20
Broj akta: 877/20
Datum: 09.06.2020. godine

Na osnovu člana 68. stav 4. tačka i), člana 69. stav 3. i člana 70. stav 1., 3. i 6. Zakona o javnim nabavkama Bosne i Hercegovine ("Službeni glasnik Bosne i Hercegovine", broj 39/14), a na preporuku Komisije za javnu nabavku date u Zapisniku o pregledu i ocjeni ponuda broj: 848/20 od 04.06.2020. godine, direktor KP "Budućnost" a.d. Laktaši, dana 09.06.2020. godine, donio je

ODLUKU

o otkazivanju postupka javne nabavke

I

Prihvata se preporuka Komisije za javnu nabavku data u Zapisniku o pregledu i ocjeni ponuda broj: 848/20 od 04.06.2020. godine, te se otkazuje postupak javne nabavke usluga osiguranja vozila od autoodgovornosti sa osiguranjem putnika u vozilu, za koji je na Portalu javnih nabavki objavljeno Obavještenje o nabavci broj: 470-7-2-50-3-11/20, zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav 3. Zakona o javnim nabavkama, obzirom da dvije prihvatljive ponude imaju najviše osvojenih bodova, te iste ponuđene cijene i rokove za obradu odštetnih zahtjeva, pa nije moguće izabrati najpovoljnijeg ponuđača.

II

Odbacuje se kao neprihvatljiva ponuda ponuđača "Dunav osiguranje" a.d. Banja Luka, jer ista nije u skladu sa zahtjevima iz tenderske dokumentacije, a na osnovu člana 68. stav 4. tačka i) Zakona o javnim nabavkama.

III

Ova Odluka objaviće se na web stranici www.kpbuducnost.com istovremeno sa njenim upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

IV

Ova Odluka dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom pokretanju postupka javne nabavke usluga broj: 702/20 od 14.05.2020. godine.

Postupak javne nabavke je sproveden putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosila je 7.000,00 KM.

Obavještenje o nabavci broj: 470-7-2-50-3-11/20 objavljeno je na Portalu javnih nabavki dana 14.05.2020. godine, uz objavu tenderske dokumentacije na Portalu javnih nabavki.

Istovremeno sa objavom Obavještenja o nabavci, izvršeno je upućivanje zahtjeva za dostavljanje ponude troma potencijalnim ponuđačima, a u skladu sa članom 88. stav 1. Zakona o javnim nabavkama.

Komisija za javnu nabavku imenovana je Odlukom o imenovanju komisije za javnu nabavku broj: 703/20 od 14.05.2020. godine.

Komisija za javnu nabavku dostavila je dana 04.06.2020. godine Zapisnik o pregledu i ocjeni ponuda broj: 848/20 od 04.06.2020. godine, sa preporukom da se predmetni postupak javne nabavke otkáže zbog dokazivih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, a na osnovu člana 69. stav 3. Zakona o javnim nabavkama, obzirom da dvije prihvatljive ponude imaju najviše osvojenih bodova, te iste ponuđene cijene i rokove za obradu odštetnih zahtjeva, pa nije moguće izabrati najpovoljnijeg ponuđača.

U postupku po Zapisniku o pregledu i ocjeni ponuda je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri);
- da je blagovremeno zaprimljeno 4 (četiri) ponude;
- da nema neblagovremeno zapimljenih ponuda;
- da su ponude ponuđača: "Drina osiguranje" a.d. Milići Filijala Banja Luka, "Grawe osiguranje" a.d. Banja Luka i "Osiguranje aura" a.d. Banja Luka, prihvatljive;
- da je ponuda ponuđača "Dunav osiguranje" a.d. Banja Luka neprihvatljiva.

Komisija za javnu nabavku je u Zapisniku o pregledu i ocjeni ponuda broj: 848/20 od 04.06.2020. godine navela da je prilikom pregleda i ocjene ponude ponuđača "Dunav osiguranje" a.d. Banja Luka utvrdila da je ponuda ponuđača neprihvatljiva jer je ponuđač na strani 5. ponude, u Obrascu za cijenu ponude, za vozilo pod rednim brojem 15. Mercedes benz N2 teretno vozilo naveo cijenu osiguranja od autoodgovornosti bez PDV-a u iznosu od 561,86 KM. Vozilo pod rednim brojem 15. Mercedes benz je teretno motorno vozilo koje je svrstano u Tarifnu grupu 2 – Teretna vozila, čija je nosivost 5540 kg, te cijena osiguranja po R-01 iznosi 648,47 KM, a ne 561,86 KM koliko je navedeno u ponudi ponuđača.

U Zapisniku Komisije za javnu nabavku navedeno je da je u tački 6.3.4. Konkurentskog zahtjeva određeno da u skladu sa Odlukom o zajedničkoj tarifi premija i cjenovniku za osiguranje od odgovornosti za motorna vozila u Republici Srpskoj ("Službeni glasnik Republike Srpske", broj: 94/15 i 84/18) radi uporedivosti ponuda premiju je potrebno obračunati na bazi razreda R1 sa 50% bonusa, a prilikom zaključenja svake pojedinačne polise, osiguravač će odrediti premijski razred na bazi knjige štetnika i predhodne polise svakog pojedinačnog vozila. Takođe, u tački 6.3.5. Konkurentskog zahtjeva je određeno da zbog jedinstvenog premijskog sistema, cijene usluga koje nude ponuđači moraju biti određene u skladu sa tarifama koje su navedene u Odluci o zajedničkoj tarifi premija i cjenovniku za osiguranje od odgovornosti motornih vozila u RS, jer će se u suprotnom ponuda odbaciti kao neprihvatljiva.

Obzirom da je ponuđač, "Dunav osiguranje" a.d. Banja Luka, u Obrascu za cijenu ponude, za teretno motorno vozilo Mercedes benz, pod rednim brojem 15, ponudio cijenu koja nije u skladu sa Odlukom o zajedničkoj tarifi premija i cjenovniku za osiguranje od odgovornosti

motornih vozila u RS, što je u suprotnosti sa zahtjevima iz Konkurentskog zahtjeva, Komisija za javnu nabavku je ponudu ponuđača "Dunav osiguranje" a.d. Banja Luka ocijenila neprihvatljivom, te je dala preporuku Ugovornom organu da ponudu odbaci kao neprihvatljivu.

Članom 68. stav 4. tačka i) Zakona o javnim nabavkama propisano je da je Ugovorni organ dužan odbaciti ponudu u slučaju kada ponuda nije u skladu sa zahtjevima iz tenderske dokumentacije.

Ugovorni organ je prihvatio preporuku Komisije za javnu nabavku, te je na osnovu člana 68. stav 4. tačka i) Zakona o javnim nabavkama Bosne i Hercegovine odbacio ponudu ponuđača "Dunav osiguranje" a.d. Banja Luka, jer ista ne ispunjava zahtjeve iz tenderske dokumentacije, a iz gore navedenih razloga koje je Komisija za javne nabavke obrazložila u Zapisniku o pregledu i ocjeni ponuda. Naime, nesporno je da je ponuđač u Obrascu za cijenu ponude, za vozilo pod rednim brojem 15. Mercedes benz, čija je nosivost 5540 kg, ponudio cijenu za osiguranje od autoodgovornosti u iznosu od 561,86 KM, dok je Odlukom o zajedničkoj tarifi premija i cjenovniku za osiguranje od odgovornosti motornih vozila u RS za predmetno vozilo propisana tarifa po R-01 u iznosu od 648,47 KM. Na taj način ponuđač nije postupio u skladu sa zahtjevima iz tačke 6.3.4. Konkurentskog zahtjeva i važećim propsima, te je njegova ponuda odbačena kao neprihvatljiva na osnovu člana 68. stav 4. tačka i) Zakona o javnim nabavkama.

Komisija za javne nabavke je pregledom ponuda ponuđača: "Drina osiguranje" a.d. Milići Filijala Banja Luka, "Grawe osiguranje" a.d. Banja Luka i "Osiguranje aura" a.d. Banja Luka, utvrdila da su iste u skladu sa zahtjevima iz Konkurentskog zahtjeva, te je iste ocijenila prihvatljivim.

Iz Zapisnika o pregledu i ocjeni ponuda je vidljivo da je Komisija za javne nabavke pristupila analizi prihvatljivih ponuda, u cilju izbora najpovoljnijeg ponuđača, a u skladu sa kriterijem ekonomski najpovoljnija ponuda koji je određen u Konkurentskom zahtjevu, pri čemu je utvrđeno da su ponude ponuđača "Drina osiguranje" a.d. Milići Filijala Banja Luka i "Grawe osiguranje" a.d. Banja Luka dobile isti maksimalan broj bodova (100), te da su oba ponuđača ponudili iste cijene (6.769,99 KM) i iste rokove za obradu odštetnog zahtjeva (1 dan), pa samim tim i dobili isti broj bodova po osnovu oba kriterija. Iz tog razloga je Komisija za javnu nabavku preporučila otkazivanje postupka javne nabavke, a na osnovu člana 69. stav 3. Zakona o javnim nabavkama, obzirom da nije moguće izvršiti izbor najpovoljnijeg ponuđača.

Tačkom 9.8.6. Konkurentskog zahtjeva određeno je da se ugovor o javnoj nabavci dodjeljuje ponuđaču koji je dobio najveći broj bodova, a u slučaju da dva ili više ponuđača imaju isti broj bodova, prednost ima ponuđač koji je dobio najviše bodova na podkriterijumu cijena, odnosno ponuđač koji je ponudio nižu cijenu.

Obzirom da ponude dva ponuđača, "Drina osiguranje" a.d. Milići Filijala Banja Luka i "Grawe osiguranje" a.d. Banja Luka, imaju isti broj osvojenih bodova 100, te da su oba ponuđača ponudili istu najnižu cijenu od 6.769,99 KM, pa su dobili isti broj bodova od 80 na podkriterijumu cijena, to nije moguće izvršiti izbor najpovoljnijeg ponuđača u konkretnom postupku javne nabavke, kao što je određeno u tački 9.8.6. Konkurentskog zahtjeva.

Članom 69. stav 3. Zakona o javnim nabavkama propisano je da ugovorni organ može otkazati postupak javne nabavke samo zbog dokazivih razloga koji su van kontrole

ugovornog organa i koji se nisu mogli predvidjeti u vrijeme pokretanja postupka javne nabavke. Obzirom da dva ponuđača, čije su ponude prihvatljive, imaju jednak maksimalan broj osvojenih bodova, te ponuđene iste cijene, te nije moguće izvršiti izbor najpovoljnijeg ponuđača, a što je van kontrole ugovornog organa niti se moglo predvidjeti u vrijeme pokretanja postupka javne nabavke, to je primjenom člana 69. stav 3. Zakona o javnim nabavkama odlučeno kao u dispozitivu Odluke.


U postupku donošenja ove Odluke posebno su cijenjene činjenice da je Komisija, potpuno i pravilno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz konkurentskog zahtjeva.

U postupku ocjene provedenog postupka, direktor Ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Iz navedenih razloga, primjenom člana 68. stav 4. tačka i) i člana 69. stav 3. Zakona o javnim nabavkama odlučeno je kao u dispozitivu Odluke.

Pouka o pravnom lijeku

Protiv ove Odluke može se izjaviti žalba Kancelariji za razmatranje žalbi, putem Ugovornog organa, u roku od 5 (pet) dana od dana prijema ove Odluke.


Komunalni
ZA UGOVORNO ORGAN
Direktor
Dragan Kelečević
Kelečević Dragan

Dostaviti:

- Ponuđaču: "Drina osiguranje" a.d. Milići Filijala Banja Luka,
- Ponuđaču: "Grawe osiguranje" a.d. Banja Luka,
- Ponuđaču: "Osiguranje aura" a.d. Banja Luka,
- Ponuđaču: "Dunav osiguranje" a.d. Banja Luka.